

112 年全國語文競賽原住民族語朗讀 【卡那卡那富語】國小學生組 編號 4 號

icici ararira

'esi na ararira tamna navungu. 'una tuku, vo'in, tanguca mataa ivici.
imua tunicu nguain tumatimana, cumacu'ura, marisauvu, murungisaa mataa
kumakunu.

'una 'acipi. tuni cu makananguru mataa mucaca. 'una makukuang
kava. makai nguani tamna tanasa. tuni mon 'inia si'icupu nukai tarasangai.
vanai ararira tuni miaranau aracuvuru, sii 'aparuranu sua na tina'an
cinivurua isua.

taniara soni. surumu tumatimana navungu 'una riang makasi, "tia
sikanaumani sua iku?" niaranai kukuca sua riang isua. ararira tamna
icici 'esi pokarikari. marivari navungu, "tuni kasu muranu kumakunu
kunu." arakuracu icici makasi, "nakai 'akia ivici maku! tia ku makananu
kumakunu?" makasi 'acipi, "uu'u iaa! ka'anu ku kangvang tavaru'u neni
musutampu kamanunga musu. makasia kucu, noo makananguru kim ia,
matipaa kasu marikauvu canumu." makasua cu, vanai
tia 'apacu'ura 'una 'intasi in. kipatusu icici marikauvu canumu. nakai
parapusu nguani, ka'anu cu makacukuna natia tukusaa! arakuracuan
nguani, 'akuni cu muranu!

aka cupungu icici! miaa si'icupu cu ararira ia, musakau nguain
aratukunu tina'an. pacupungu "tia ku arapipiningi kesoni, neni musutampu
kamanunga icici?" mamumuaru nguain mucacaca. matunusu ucani 'esi
makananguru vutukuru. kesoniun kee, "neni 'esi putukioa icici musu?"
marivari vutukuru, "ka'anu kasu cumacu'ura, 'urupaca ku icici
makananguru?"

makasua miaranau cu na pipiningi mamumuaru. ka'anu
takutavaru'u 'esi cu nakunaku cungkucu. cu'uruun kee tina'an in 'esi
ma'acunu na cakuran. marisusuna navungu in makasi, "icici! mupacai cu
kim tikirimi kasua!" marivari icici, "neni vanai tikirimi 'ikua? 'akia tani
maku kamanunga?" makasi 'acipi, "'akia kasu mamisa, macaca kimia
cucumeni marukurapu. maroka kani icici." marivari tina'an makasi.
""apaco'e makai 'akia tia kamanunga musu, nakai noo 'akia icici mia,
ka'anu cu kim ararira kisuan!" makasi pa, "pacupungu kim kasua! pui'ia
cu!" macangcangaru icici macaca cu pui'i na ararira tamna tina'an.

烏龜的尾巴

烏龜頭部有耳朵、眼睛、鼻子以及嘴巴。所以聽得到、看得見、聞得到、呼吸及吃東西。有四隻腳可以游泳及行走。有龜殼，可以睡覺或休息。烏龜可以活很久，是因為器官互相幫忙。

烏龜的頭突然聽到一個聲音，「我有什麼功能？」這聲音來自尾巴。頭：「可以幫忙吃東西！」

尾巴很生氣，沒有牙齒要怎樣吃東西？腳：「我不知道你適合做什麼？如果我們游泳，你可以參加划水。」

尾巴很用力划水，卻擾亂了牠們，無法抵達目的地。

尾巴很傷心，離開烏龜身體，要去問問，尾巴可以做什麼？

尾巴遇到魚，「你的尾巴在做什麼？」魚回答「你沒有看到我用尾巴游泳嗎？」

尾巴待在外頭，看到烏龜漂流著。頭呼喊著：「我們找你很累了」。尾巴：「找我幹什麼？我沒有可做的。」腳說：「你不在，別的動物笑我們尾巴遺失了」。身體：「雖然你看起來沒功能，但是沒有你，我們就不叫烏龜，我們很想念你，請你回來吧！」

尾巴高興的想著，我要做尾巴該做的事，就回到烏龜的身體。